

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

Коми Республика мутасын пӧжарысь видзчысян торъя режим йылысь

Коми Республика мутасын кос да жар поводдя пуксьӧм вӧсна да сы могысь, медым видзчысьны вӧръясын пӧжаръясысь, Россия Федерацияса вӧр кодекслӧн 11, 53⁵, 83 статьяс, «Пӧжарысь видзчысянлун йылысь» Федеральнӧй оланпаслӧн 30 статья, «Коми Республика мутасын пӧжарысь видзчысянлун юкӧнын ӧткымын юалӧм йылысь» Коми Республикаса Оланпаслӧн 2 статья, Россия Федерацияын пӧжарысь видзчысян режим правилӧяс серти, мый вынсьӧдӧма Россия Федерацияса Воськӧдлан котырлӧн 2020 во кӧч тӧлысь 16 лунся 1479 №-а шуӧмӧн, Вӧръясын пӧжарысь видзчысян правилӧяс серти, кутшӧмъясӧс вынсьӧдӧма Россия Федерацияса Воськӧдлан котырлӧн 2020 во йирым тӧлысь 7 лунся 1614 №-а шуӧмӧн, Коми Республикаса Воськӧдлан котыр шуис:

1. 2021 вося лӧддза-номъя тӧлысь 24 лунсянь Коми Республика мутасын урчитны вӧръясын пӧжарысь видзчысян торъя режим.

2. Пӧжарысь видзчысян торъя режимлӧн вына период вылӧ урчитны Коми Республика мутасын пӧжарысь видзчысянлун серти содтӧд корӧм:

2.1. Поводдя серти вӧръясын IV да V классъяса пӧжарнӧй ӧпасносът урчитӧм дырйи, сӧк, кор метеорологическӧй (поводдя) условияс прогнослӧн мыччӧдъяс серти матысса 5 лунӧ оз бурмы вӧръясын пӧжаръяс лоны вермана серпасыс, дзескӧдны вӧръясӧ гражданагысь ветлӧмсӧ да сэтчӧ транспорт средствоясӧн пырӧмсӧ, ӧтув вӧдитчан туйястӧ веськыда ветлӧм кындзи.

3. Коми Республикаса вӧр-ва озырлун да гӧгӧртас видзан министерстволы:

1) могмӧдны тайӧ шуӧмлысь 2.1 пункт збыльмӧдӧмсӧ, а сӧдзжӧ водзӧ видзӧдны сыӧ кутчысьӧм бӧрся;

2) йӧзӧс юӧртан средствояс пыр юӧртны олысьяслы вӧръясӧ гражданагысь ветлӧмсӧ дзескӧдӧм йылысь;

3) могмӧдны вӧръясын пӧжарысь видзчысян юкӧнын вына оланпастэчаслысь корӧмъясӧ торкалӧмъяс артман помкаяс да условияс ас кадӧ эрдӧдӧмсӧ, дугӧдӧмсӧ, бырӧдӧмсӧ.

4. Вӧръясӧн вӧдитчысь йӧзлы:

1) могмӧдны вӧрса пӧжаръясысь ӧлӧдан да найӧс кусӧдан средствояслысь содтӧд дасьлунсӧ сы могысь, медым дзик пыр реагируйтны вӧрса пӧжаръяс артмӧм вылӧ;

2) котыртны вӧдитчӧмӧ сетӧм вӧр участокъяс патрулируйтӧмсӧ.

5. Вӧзйыны Коми Республикаын меставывса асвеськӧдлан органъяслы:

1) пöжарысь видзчысян канму службалөн юкöдувъяскöд öтув водзö нуöдны олысьяскöд олöмын пöжарысь видзчысян мераяс да пöжар дырйи вöчöмторьяс йылысь гөгөрвоодана удж, лöсялана мутасын дасытыны да примитны пöжарысь видзчысянлун серти содтöд мераяс да дзескöдöмъяс меставывса аслыспöлöслунъяссö, колян воясья пöжарьяс лоны вермана кадлысь кывкöртöдъяссö тöд вылö босьтöмөн да оланпастэчас серти;

2) бурджыка видзöдны вөркöд, зданиеяскöд, сооружениеяскöд, олан керкаяскöд, орчча мутасьясысь кос турун, ёг да мукöд сотчан материал весалöм бöрся, торйөн кутны тöд вылын уна йöзаина объектъяс, социальной юкөнса объектъяс, пöжар дырйи öдйö сотчысь (пу) олан зданиеяс;

3) бурджыка видзöдны пöжарысь видзчысян ваён могмöдан ортсыса öшмöсьяс (ю-ты, пирсьяс да пöжарной гидрантьяс) бура уджавны лöсьöдöм бöрся, кутшöмъяс меститчöмаöсь лöсялана муниципальной юкөнлөн мутасын. Могмöдны ва öшмöсьяс дорö мытшöдтөг матыстчöмсö;

4) олан пунктъяслөн, сад вöдитан, град выв пуктас вöдитан, дачной да сад вöдитан котырьяслөн лöсялана мутасьясын абу коммерческой дачной öтувьяслөн мутасьясын пуктыны (сэк, кор абу) пöжар дырйи йöзöс шыён юöртан средствояс, котыртны неминучаяс йылысь олысьясöс юöртан системаяс, пöжарьяс дырйи йöзöс шыён юöртан средствояс прöверитöмсö да найöс бура уджавны лöсьöдöмсö, урчитны пöжар кусöдан могьяс вылö ва запасьяссö;

5) гражданалы вөрьясö ветлöмын дзескöдöмсö пыртигөн Коми Республикаса вөр овмöс нуöдан канму учреждениеяскöд (лесничествояскöд) öтвылысь котыртны вөрьясö нуöдысь туйяс вылын постьяс.

6. Вöзйыны Коми Республикаын меставывса асвеськöдлан органьяслы, став эмбур сикаса организацияслы:

1) пöжарьяс кусöдигөн вöдитчыны позяна могьяс вылö дасытыны ва ваян да му кодьян техника, кутшöм эм. Лöсялана веськöдлан документөн урчитны сйöс коран пöрадоксö;

2) содтыны дежуритан (патрулилуйтан) лыдсö:

а) асвöляя пöжарнойяслысь, гражданалысь, кодьяс олöны лöсялана муниципальной юкөнлөн мутасын, – лöсялана муниципальной юкөнъяслөн, гражданалөн сад вöдитан, град выв пуктас вöдитан да дачной абу коммерческой öтувьяслөн мутасьясын;

б) организациясса уджалысьяслысь – организацияслөн мутасьясын.

7. Коми Республикаса Юралысьлөн Администрациялы чина йöзкöд да органьяскöд öтув, кодьясöс индöма тайö шуöмлөн 3 – 4 пунктъясын, могмöдны Коми Республика мутаслөн вөрьясын пöжарысь видзчысян торья режимлөн вына период дырйи пöжарысь видзчысян корöмъяс йылысь олысьяслы юöртан мероприятияяс нуöдöмсö.

8. Коми Республикаса велөдан, наука да том йöz политика министерстволы, Коми Республикаса культура, туризм да архив удж министерстволы, Коми Республикаса удж, уджөн могмөдан да социальнöя дорьян министерстволы, Коми Республикаса вынйör сöвмөдан да спорт министерстволы Коми Республикаын меставывса асвеськөдлан органьяскөд öтвылысь котыртны велөдчысьяслы (быдтасьяслы) пöжарысь видзчысян мераяс йылысь юөртöмсö, сы лыдын челядьлы гожея шойччан учрежденияясын.

9. Тайö шуöмсö олөмө пöртөм бöрся видзöдны Коми Республикаса Велькөдлан котырөн Юрнуöдысьöс вежысьлы, кодi кывкутана могъяс юклөм серти координируйтö вөр йитöдьяс юкöнын Коми Республикаын öтувья канму политика збыльмөдан сфераын Коми Республикаса олөмө пöртысь власьт органьяслысь уджсö.

10. Тайö шуöмыс вынсялö сийöс примитан лунсянь.

Коми Республикаса Велькөдлан котырөн
Юрнуöдысьöс Медводдза вежысь

И. Булатов

Сыктывкар
2021 вося лөддза-номья тöлысь 24 лун
300 №